

Rapport dalla sessiun dil cussegl da vischunaunca dils 04-10-2021

Tractanda 1

Approbaziun dil protocol dalla sessiun dils 03-05-2021

Il protocol dalla sessiun dils 03-05-2021 vegn approbaus cun engraziament.

Tractanda 2

Rendaquen final dalla meglieraziun funsila Schlans

Dumeni Tomaschett informescha che la meglieraziun funsila da Schlans seigi vegnida lantschada igl onn 1999 e serrada giu l'entschatta digl onn 2021. Il territori cumpigliau ha ina surfatscha totala da 231 hectaras. Cumpigliadas ein stadas 998 parcellas en proprietad da 185 proprietaris. Il diember da parcellas ei vegnius sminuius sin 415. Totalmein ei vegniu meglierau ni baghegiau niev 13.79 km vias.

La canzlista presenta il quen final. Ils cuosts totals dall'entira meglieraziun han muntau à 11'072'155 milliuns francs. La confederaziun ed il cantun han subvenziunau il project cun 8'866'269 milliuns francs. Ulteriuras entradas: vischunaunca: frs. 980'201.-, privats: frs. 530'502.-, ulivaziun da finanzas: frs. 507'488.-, venditas da terren, tscheins e divers: frs. 187'695.-.

Cun 12 : 2 vuschs approbescha il cussegl da vischunaunca il rendaquen final dalla meglieraziun funsila Schlans.

Tractanda 3

Decisiun d'entrar ell'unione Nordic Surselva

Il president communal orientescha ch'il menaschi dalla loipa seigi vegnius garantius tochen dacheu entras la cuminanza d'interess Nordic Surselva. Alla cuminanza d'interess appartegnan il club da skis Trun e las organisaziuns turisticas da Mustér, Sumvitg e Trun. Cun la fundaziun d'ina uniuon entras las treis vischunauncas politicas duei il menaschi dalla loipa Cadi survegnir ina nova basa legala. L'uniun Nordic Surselva ha l'intenziun da mantener e sviluppar vinavon la purschida da cuorsaliunga sin incarica dallas vischunauncas cumpigliadas (Trun, Sumvitg, Mustér). Cun la decisiun d'entrar ell'unione Nordic Surselva e cun l'approbaziun dils statuts sedat per la vischunaunca ina nova expensa annuala da maximalmein frs. 27'500.- pil menaschi dalla loipa. Trun Turissem vegn a surprender ina cumpart dil deficit che vegn adossaus alla vischunaunca da Trun.

Cun 14 : 0 vuschs decida il cussegl da vischunaunca d'entrar ell'unione Nordic Surselva e d'approbar ils statuts dall'uniun.

La decisiun dil cussegl da vischunaunca vegn suttamessa al referendum facultativ tenor art. 19 lit. b da nossa constituziun communal.

Tractanda 4

Lescha davart la zona da ruaus per selvaschinias

Il spazi da viver dils animals selvadis vegn restrenschiis pli e pli fetg entras activitads da temps liber (skiunzs da variantas, encuir cornas e bulius etc). Per ch'ils animals sappien seretrer anavos e vegnien buca disturbai drova ei territoris schurmegiai. Artechel 27 dalla lescha da catscha e pesca dil cantun Grischun prescriva ch'ils animals selvadis ein da proteger da disturbis e legitimescha las vischunauncas da decider zonas da schurmetg.

Igl onn 2018 ha la suprastanza communal creau ensemble cun igl uffeci da catscha e pesca ina zona da ruaus provisoria per selvaschinias el territori denter la val Farbertg e la val Plaunca. Quella zona da ruaus ei secumprovada bein. Duront il temps d'unviern, principalmein la primavera cu las selvaschinias ein corporalmein il pli fleivlas, han ellas anflau il ruaus necessari. Il territori sut Schlans ei predestinaus per ina zona da ruaus ord motiv che las

plauncas ein suleglivas e vegnan spert terreinas. Vinavon dat ei en quei liug bia plontas e caglias da feglia.

Quei dat allas selvaschinas la pusseivladad da serevegnir digl unviern senza serender en nos uauls da schurmetg e far leu donns vid pégns e pignola. La suprastanza communalala, igl uffeci da catscha e pesca sco era igl uffeci d'uaul dil cantun Grischun sustegnan da fixar la zona da raus cun ina lescha.

Cun 12 : 2 vuschs approbescha il cussegli da vischnaunca la lescha davart la zona da raus per selvaschinas per mauns dalla votaziun all'urna.

La lescha vegn puttamesa alla votaziun dil pievel ils 28 da november 2021 (art. 30b constituziun communalala).

Tractanda 5

Pusseivladad da tschentar damondas

Dalla pusseivladad da tschentar damondas vegn fatg diever.

Per il cussegli da vischnaunca

Il president
Baseli Tomaschett

La actuara
Sandra Gautschi